

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U BANOVIĆIMA
Broj: 127 0 Pr 081229 24 Pr
Banovići, 23.05.2025. godine

Općinski sud u Banovićima, po sudiji Saneli Čajić, u prekršajnom predmetu protiv okrivljenih 1. N.G., kći Dž., nastanjena u B., ..., i 2. Dž. G., kći U., nastanjen u B., ..., zbog prekršaja iz člana 3. stav 1. tačka 3. Zakona o javnom redu i miru ("Sl. novine TK-a", broj: 9/01, 11/01, 11/07 i 14/11), po zahtjevu za pokretanje prekršajnog postupka Policijske uprave Banovići, Policijska stanica Banovići broj: I-08-06/13-2-03.1-2-13/24 od 10.06.2024. godine, odlučujući o troškovima branioca okrivljene N.G. za isplatu troškova odbrane, na osnovu člana 11. stav 1. tačka 1., člana 31 i člana 26. točka 5. Tarife o nagradama i naknadi troškova za rad advokata FBiH („Sl. novine F BiH“ br. 22/04 i 24/04), donio je sljedeće

RJEŠENJE

Braniocu okrivljenog advokatu Bandović Sanjinu iz Živinica na ime zastupanja i date odbrane na usmenom pretresu i nastavcima usmenog pretresa, ima se isplatiti sljedeća naknada i nagrada, i to:

- Za pristup i odbranu okrivljenog na usmenom pretresu dana 15.11.2024. godine, član 11. stav 1., a u vezi sa članom 29. Tarife o nagradama i naknadi troškova za rad advokata u F BiH (17% na ime obaveze plaćanja PDV)..... **140,40 KM,**
 - Naknada troškova za upotrebu vlastitog automobila za pristup usmenom pretresu dana 15.11.2024 na relaciji Živinice-Banovići-Živinice, uzevši u obzir optimalnu mjeru udaljenosti od 30 km (član 31. stav 4. Tarife o nagradi i naknadi troškova za rad advokata u F BiH **28,35 KM**
 - Naknada troškova na ime odsustva advokata iz kancelarije, izvan sjedišta advokatske kancelarije u Živinicama pred Općinskim sudom u Banovićima na usmenom pretresu dana 15.11.2024. godine (započeto u 13,00 sati, završeno u 14,10 sati), u skladu sa članom 26. Tarife o nagradi i naknadi troškova za rad advokata u F BiH **120,00 KM**
 - Na ime stvarnih troškova nastalih odaslanjem pošiljke..... **3,50 KM**
- UKUPNO:292,25 KM**

II

Preko dosuđenog iznosa do potraživanog iznosa od 1.158,53 KM branilac se odbija sa zahtjevom za nagradu i naknadu troškova na ime odbrane okrivljenog u skladu sa članom 203. stav 1. Zakona o krivičnom postupku Federacije, a u vezi sa članom 18. Zakona o prekršajima FBiH, koje odredbe se u prekršajnom postupku primjenjuju i to mutatis mutandis, a koje u kratkome navode da će sud kad obustavi krivični postupak posebnim rješenjem dosuditi troškove uzrokovane krivičnim postupkom iz člana 199. stav 2. točka od a.) do f.) istog zakona i to na ime nužnih izdataka optuženog i na ime nužnih izdataka i nagrade branitelju, a koji troškovi padaju na teret budžetskih sredstava

Nalaže se blagajni ovog suda da navedeni iznos naknade i nagrade doznači na račun branioca Bandović Sanjina, advokata iz Živinica, broj: ... kod „Raiffeisen bank“ d.d. BH Sarajevo.

O b r a z l o ž e n j e

Od strane Policijske uprave Banovići, Policijska stanica Banovići, kao ovlaštenog organa, podnošenjem zahtjeva za pokretanje prekršajnog postupka pod brojem: I-08-06/13-2-03.1-2-13/24 od 10.06.2024 godine, pokrenut je prekršajni postupak protiv okrivljenih, zbog prekršaja opisanog u izreci ovog rješenja, iz člana 3. stav 1. tačka 3. Zakona o javnom redu i miru

Nakon provedenog postupka sud je Rješenjem broj: 127 0 Pr 081229 24 Pr od 29.11.2024. godine, obustavio prekršajni postupak protiv okrivljenih zbog prekršaja koji im se stavlja na teret predmetnim Zahtjevom za pokretanje prekršajnog postupka od 10.06.2024. godine, koja odluka je potvrđena Rješenjem Kantonalnog suda u Tuzli, broj: 127 0 Pr 081229 24 Pžp od 29.01.2025. godine, a nakon izjavljenog pravnog lijeka od strane ovlaštenog organa.

Branilac okrivljene N.G. je dana 07.02.2025.godine u sudski spis dostavio troškovnik za zastupanje u ovom prekršajnom predmetu.

Analizirajući navedeni troškovnik, te uvidom u sudski spis (zapisnike sa održanih ročišta) sud nalazi da je isti djelimično osnovan, utvrdivši naknadu kao u stavu I izreke ovog rješenja, s tim da je preko dosuđenog iznosa do iznosa **od 1.158,53 KM** branilac odbijen sa zahtjevom za nagradu i naknadu troškova iz razloga što sud smatra da sastav odgovora na pravni lijek nije normiran kao trošak koji pripada braniocu u prekršajnom postupku, za koju radnju branilac potražuje naknadu u iznosu od 280,80 KM, zatim članom 11. tačka 1. Tarife o nagradama i naknadi troškova za rad advokata FBiH je propisano da za odbranu u prekršajnom postupku pred Općinskim sudom za prekršaje branitelju pripada naknada u iznosu od 240,00 KM, a za pristup svakom narednom ročištu iznos od 120,00 KM, te s tim u vezi sud konstatuje da su branitelji okrivljenih dana 21.10.2024. godine zahtjevali odgodu ročišta radi pripremanja odbrane, dok je odbrana okrivljenih iznesena na usmenom pretresu dana 15.11.2024. godine, a za koju izvršenu radnju je branilac vlastitim disponiranjem zahtjevao iznos od 140,40 KM, s tim da je sud istom priznao i pravo na naknadu troškova na ime upotrebe vlastitog automobila, kao i naknadu na ime odsustva iz kancelarije, s tim u vezi sud je u skladu sa odredbom člana 11. stav 1. tačka 1., člana 31 i člana 26. tačka 5. Tarife o nagradi i naknadi troškova za rad advokata („Službene novine F BiH“ br. 22/04 i br. 24/04) odlučio kao u izreci rješenja.

Sud je primjenjujući član 203. stav 1 Zakona o krivičnom postupku Federacije, a u vezi sa članom 18. Zakona o prekršajima FBiH, a koje odredbe u kratkome navode da će sud kad obustavi krivični postupka posebnim rješenjem dosuditi troškove uzrokovane krivičnim postupkom iz člana 199. stav 2. tačka od a.) do f.) istog zakona i to na ime nužnih izdataka optuženog i na ime nužnih izdataka i nagrade branitelju, a koji troškovi padaju na teret budžetskih sredstava.

Sudija
Sanela Čajić

Pouka o pravnom lijeku:

Protiv ovog rješenja dozvoljena je žalba Kantonalnom sudu Tuzla u roku od 3 (tri) dana od dana prijema istog. Žalba se podnosi putem ovog suda u 2 (dva) istovjetna primjerka.